

福山縣志



福山縣志卷之十一

序

明

贈段可久宰福山序

士

邱

人

濟

州

人

今之縣令古百里侯也於民有父子之道焉於

吏有君臣之道焉於學校有師弟子之道焉於

之筮仕即得百里之地有數千戶之民以君之

父之師之亦可以行其志矣然世之在者往往

重內而輕外一登科目即視州縣如陷阱然惟

福山縣志

卷十一 下文翰序

一

恐已之不幸而或墮焉之人地豈慮其職之未

易稱耶民之未易化耶吏之未易馭耶政事之

未易修舉耶曰皆非也政以其胸中之勃勃然

未易平耳雖然領郡輒無色之官皆有詞豈獨

今日然哉唐府帥見大府必戎服左握刀右屬

弓矢帕首袴鞞郊迎令狐啞刺吉州謁見齊映

從容步進不昧首戎器即以得譴夫府帥之見

大府刺史之見觀察使尚爾則縣令可知矣宋

使著行部所部郊迎數十里外或遇霖潦瞻馬



大清乾隆六年...

首倏至跪拜泥淖中移時不敢興既就館拱手  
立座下三跪進酒其卑辱也甚矣然是時韓昌  
黎以名世大儒謫令陽山朱紫陽以命世大才  
首簿同安未聞其以驕蹇得譴於時及考其所  
以致譴者乃以闢異端忤權貴之故所以然者  
豈非以上下之分所當盡是非之公不容昧可  
以理詘而不可以勢詘耶予友段可久少負奇  
氣好讀史傳而慕古豪傑士之爲人不肯媿阿  
隨人後舉進士卽以病得告家居其於富貴利  
達蓋漠如也今不得已始起拜命得知登之福  
山縣嗟乎可久豈百里才哉雖然今則然矣將  
若之何夫以大才試小邑如以千里馬馳數十  
里之地不患其不至也以百弓射數十步之遠  
不患其不中也可久行矣其尚明理以御氣無  
若小丈夫然積勃勃者於胸中見悻悻者於顏  
面於上下之分則不肯安臨勢利之際則厥角  
稽首之惟恐後其爲科目累也大矣予托交可  
久相知最深於其行慕古人贈處之義方將有

所規焉適地官之事劉公英率其請交遊屬子  
文以華其行遂書以贈之可久得無異吾言乎

孫公瑞麥詩序

鮑寧

徽州人

天順元年歲在丁丑福山孫公守新安九年矣  
公嘗從事聖賢之學故其施政以敦教化擢賢  
才爲本以節用愛人爲尤其滌事也必推古人  
繫矩之道以求信乎於民而民之賴其濟也久  
矣迨茲秩滿政成又值國家沛維新之澤所以  
承流宣化造福於民也尤力不獨利於今又思  
有以善其後河山方千里之民所以歡欣鼓舞  
而自得者爲何如善政旣備神斯降祥歲之四  
月瑞麥生於境之田野有一莖兩穗者一莖三  
穗四穗者觀之者咸曰吾不知造化之理殆和  
氣之交暢也稽之往古則漢之世嘗見於漁陽  
矣又歷千餘載而再見者乎昔之見者張堪之  
善政也今之見者豈不在於公平公聞之曰聖  
天子嘉惠兆民誠格上下斯其所以應也守臣  
何與焉遂以所得七十二本函封以進復賦詩

福山縣志

卷十一 下 文翰 序

三

一章爲視寧伏讀有感因以公之履歷計之正  
統九年公由地官主事來爲郡十三年以丁外  
艱去因隣境福處二州有兵事民以借寇請復  
前職景泰二年又丁內艱去得終制自後江東  
列郡歲連禱巡撫大臣因民之思公也以請又  
復前職五年秋歲禱太甚六年春休黜二邑民  
有相聚爲盜者遠近驚恐有司不能制公聞之  
直抵其境諭之以禍福其徒黨謂公爲仁人感  
泣不敢逆公罪其首而釋其黨遂捐去庶務汲

福山縣志

卷十一 下文翰序

四

汲爲揀災禦患計六邑咸賴之無失所者於戲  
於斯時也苟非公之仁信有以處之萬一不幸  
有如福州處州者兵連禍結何時而已乎是則  
公之所以揀民命者於斯爲大矣昔宋名臣富  
鄭公使虜功甚偉然未嘗自多也惟知青州活  
饑民四十萬每樂言之則公之斯績詎可隱乎  
由其績之不可隱也故茲政成之際而瑞麥生  
焉殆天以是彰公之德使與漁陽並傳也畫史  
旣圖其跡能言者復形諸詩寧因述其事爲序

爲其... 國朝... 而... 修... 寺... 序... 蕭... 文... 蔚...

乙未秋余被放歸正疑緣之一字所種未蚤耳  
而適有和尚造門稱係崩空舊院長老欲募緣  
於衆以更新其幾宇奉檀越仰池王太封翁命  
乞序於余余曰此非所謂善與人同者耶以翁  
之樂善好施紺宇葡林在在有口碑焉寧第一  
崩空哉而必募之爲緣者蓋以緣者取義於因  
也因已心而見衆心卽因衆心而見已心相因  
於不已類爲之易聚功爲之易成天下事無不  
然矣寧第一崩空哉內藏云人心猶燈也人身  
猶屋也以燈照屋無微不至無纖不出心爲種  
因之地人苟不自見其心卽不能自見其身邊  
問人之心與身歟此緣之一字儒書雖未講及  
而格物致知之道卽猶夫是也如俗傳給孤長  
者輩崇由佛說掛樹以錢鋪地以金人世不必  
有其事或可有其理何者以心照心不大相遠

也心好善則真根易見相因而通將愈好愈不  
已心爲惡則真根已滿相因而通將愈爲愈不  
已乃知有仙佛卽有鬼怪世旣不乏射天戲星  
者又安知必乏掛錢鋪金之事與故掛錢鋪金  
不過充乎緣之義之盡也盡乎緣之極億萬心  
如一燈之明德萬身如一屋之大形骸安足隔  
也昔有僧問龍濟劫火洞然大千俱壞未審這  
個壞不壞龍濟云不壞爲其同大千也苟不見  
自心安知這個苟不見人之心安知這個同大  
福山縣志

卷十一 下文翰序

六

予吾故於相因處知所謂善與人同也若夫松  
幕流雲山衣北澗鳴春多鳥染徑有花草錫爲  
誰開山何代遊窺虛者皆見之皆聞之無贅也  
或一重修陽主廟序  
天道之至教惟陰與陽調寒暄而理萬物以爲  
陰陽之主非歷代之君也哉然自秦始漢武相  
繼祠名山大川以及入神有陰主有陽主理取  
皆通神尚各異是天旣立君焉合主之又有神  
焉分主之矣邑境內有陰主陽主二祠陰主史

不車轍遠方至今雖有常祭不過因時節毋失  
舊典而祠之或圯或興皆聽之鄉人鄉人每多  
樂事勸功將次鼎新其屋宇以妥神靈嗚呼人  
之好善誰不如我而烏得不告之四境以內而  
慈以募修文廟序

歐水縣志

卷之五

潘兆珪

記

蓋聞察成著訓虞序爲升俊之階思樂興謠泮  
永尤育才之地故必橋門有輪奐之觀而後城  
隅絕挑達之刺我之琛東臨滄海居近聖人今  
賢才衡抗藝林光觀上國脫非祥徵集鱣豈能  
名噪鸞龍煌煌大典旣廟藏其車服棊書疊齋  
媵修更時習其弦歌俎豆方將扇春風於函丈  
燦奎曜於當軒而宮牆宿莽棟宇棲苔不特長  
吏之羞抑亦諸生之辱况敬聖尼山致禱兆麟  
級以開文章諸賢泗水親承振金聲而衍道統  
乃使專祠就地偏廡其頽揆之祀典不其慙而  
山中紺宇猶崇梵帝之宮望裏雕農尚煥羽人  
之室豈師儒廟貌之尊俊又發祥之所反榛蕪  
不治烏鼠未除也哉今擬新其丹堊俾賢關旣



稱祠三山考合志則在邑西磁山麓陽主則祠  
之梁山下之梁南枕陸北入海以地東北論之  
梁以外皆洶濤洶注巖巖霜霞怪幻幽奇極乎  
地之軸絕乎人之境所謂天地盛德之氣始乎  
東北盛於東南而由斯以極不可悟律轉春初  
之有其地與矧登巔東望每旦有赤人頂起日  
輪如彈離弓弦瞬刻而隱現波中瞬刻而弘麗  
天上於是普天之下始皆見日之暉光始皆受  
日之照臨蓋日者陽之精也日主既祠於成山  
福山縣志

卷十一

下文翰序

七

矣而人間不祠陽主則已祠陽主而舍之梁將  
孰歸無神以受陽主之祠則已受祠陽主而舍  
之梁又孰歸然海濱漁人有從俗賽其廟每獲  
利益者夫海陰物也而主陽者能兼之乎不知  
以土人之心設土人之祠神未必果有意以副  
其願望藉曰有之抑獨不思陰陽合德者也相  
謀而爲道者也而主者之作用猶可意測也哉  
獨是神之在名山大川距京華遠遠人主過則  
祠去則已秦始漢武而後君多窮經術知表禮

勳永著斯道之典型去迺棟榱將聖域重揮筆  
表右文之風敦然欲羽籥增光必藉神衿同志  
備念衆擎易舉竊有望焉如其涼德自甘奚其  
責矣肯康熙十年嘉平之望

建地藏王庵序

蕭文蔚

世傳地藏王菩薩爲幽冥教主誓度陰司一切  
皆波羅密即到彼岸而出槃煩焉是閻羅諸王皆

其弟子矣夫人孰不怕閻羅而爲之師者以般

若智波羅密能令閻羅作尸羅持波羅密而敬

福山縣志

卷十一 下文翰序

九

閻羅者誰能不敬其師安得不禮布波羅密以

毘梨耶精波羅密乎此所以焚香施水走煞人

間優婆塞

近事男

優婆夷

近事女

也且菩薩者覺有

情之稱也必到那一念闡提極大魂隨風裂而始

無可屬苟不然誰其無情地藏王以有情覺之

令之生已度想生安穩想卽閻羅亦且辟支獨

而彌勒大也此三皈五戒獨於地藏之前倍切

耳居人幾年前已糾金鑄有地藏王像莊嚴摩

訶大情無仁祠寺可供伊蒲西域果今十喜雨

庵後爲殿三楹以龕其像而奉之費頗不貲乃告世之優婆塞優婆夷曰佛言檀越言檀施而

能越貧窮海也旣欲修因誰不打闍羅面前過

則敬闍羅何如先敬闍羅之師師懽喜諸大弟

子更大懽喜矣有時剎成座上列優鉢羅青蓮座

下開芬陀利白蓮沿徑長曼陀羅白蓮普天散瓊羅

綿楊花而五衍即五乘無隙拯溺沉於環海之波入

正正見正思等有門嗅氣味於衆香之國是在大眾

處僧伽藍即衆圓而南無歸阿無壽多羅上也聽

福山縣志

卷十一 文翰序

十

之哉其勿作守財利那而止知惜蘇伐羅金阿

路巴銀耳

韓公草亭序

陳汝弼

有石洞如屋海波澎湃摩盪而成者也天際潮

歸人可旅入于頃澄波如翠染平原遙揖芝峯

作戶外佳客雖非桃源路迷亦足當真搜還討

我公韓君以鳴琴之暇觴詠於斯高朋滿座勝

友如雲相與戴石爲天履波爲地口飲寒漿目

極巨浸耳聽噌吰手拾螺蚌亦各以爲非人間

世也有頃如風雨驟至如萬馬疾馳童子驚告  
曰至矣至矣暮潮催人移樽策馬蹈落暉而歸  
爰憇於長林藉芳草披綠雲人影離離與樹陰  
交倒於夕陽我公徬徨四顧慨然長懷覽羣山  
之入座瞰大海之回瀾清風明月可無主人擬  
搆草亭以留山邀海宿風館月將使遠峯俯首  
而入戶滄海平臨以來賓風經之而盤旋月過  
此而留連後之人登之以爲亭自今日立

賓陽書院紀畧序

蕭劫

福山縣志

卷十一 下文翰序

十一

從來宇宙人材不擇地而生惟在主持者之鼓  
舞振興以相與於有成也自昔先王學校之設  
代有規制名雖不一其實則同今上憲仰體

皇上作人至意於會城設立灤源書院檄取郡邑文  
行兼優之士蒼萃院中延老成宿儒而教育之  
洵古今盛典也惟是福邑僻處東海雖觀光有  
志而千里之遙由期跋涉往往難之賴我邑侯  
李公經邦以滇南名儒來尹茲土百務具舉尤  
念家絃戶誦雖人人各有專師而敬業樂羣必

濟聚此一堂晨夕與共濯磨爭先方有切磋  
觀摩之益焉下車不數月輒率屬捐俸首倡諸  
紳士亦莫不踴躍從事特於郭外創建書院基  
址徼敞門宇堂皇殿元督學于公顏其額曰賓  
陽擇一邑生童之秀良者肄業其中延師訓課  
仍於每月兩次扃門親試次第甲乙惠以紙筆  
用加獎勵至一切膏火之資多方擘畫廣置田  
畝詳立條規以昭垂不朽可謂心力俱瘁矣數  
年來院內採芹者若而人食簞者若而人登賢  
書者若而人蒸蒸然人文蔚起士品亦益端卽  
言氏之爲宰文翁之治蜀何多讓焉此皆我邑  
侯主持鼓舞之功也將來德業文章儲爲國器  
雖地處偏隅不敢與溱源書院比隆然旣無跋  
涉之艱已獲師友之效是亦上憲培養人材之  
一助與規模旣定造就無窮所以嘉惠後學者  
寧僅甘棠之愛而已哉不佞謬居講席愧無雨  
化重邑侯命遂不揣不文而爲之序

傳

明

循吏孫公傳

見名山藏

何喬遠

侍郎

孫遇字際時福山人舉進士授戶部主事以大

學士楊溥薦知徽州府平易為治休寧饑民聚

黨劫糴御史以為賊欲捕之遇為力辯單騎往

諭相率來歸遇坐府中時時聞呻吟聲曰有冤

耶廉得婆有處女被脅強氏縊死之立為申治

其聲頓息兩以親喪去官徽人保留復任天順

福山縣志

卷十一

下文翰傳

三

元年滿九載加賜三品俸遇居徽十有六年休

寧大麥有一莖四穗者畝有一莖三穗者小麥

多有一莖兩穗者樹之鶴方伏豎子取鶴卵鶴

哀鳴於庭遇祝曰有求乎令隸隨所飛止鶴飛

入豎子家至其爨下豎子方烹卵隸取卵歸白

遇曰吾聞禽鳥能媮熟還生將至巢中還之鶴

抱得雛日一引雛翔舞庭中其後去宦宦舍所

養犬搖趨隨行遇曰吾居徽未嘗取人一物豈

復以此相累耶命吏養之解犬不食死徽人言

太守之恩及草木鳥獸也一再遷河南左布政使爲給事中蕭彥莊所連劾致仕家居以壽終其爲人愷悌慈祥言出入信所至得聲而橄人世世祠祀之

郭康介公本傳

明史

郭宗臯字君弼福山人嘉靖八年進士選庶吉士尋詔與選者皆改除得刑部主事擢御史十二年十月星隕如雨未幾哀冲太子薨大同兵亂宗臯勸帝停崇寬厚察納忠言勿專以嚴明

福山縣志

卷十一 文翰傳

古

爲治帝大怒下詔獄杖四十釋之歷按蘇松順天行部乘馬不御肩輿會廷推保定巡撫劉夔還理院事宗臯論夔嘗薦大學士李時子誥媚無行不任風紀坐奪俸兩月尋出爲雁門兵備副使轉陝西參政遷大理少卿二十三年十月寇入萬全右衛抵廣昌列營四十里順天巡撫朱方下獄擢宗臯右僉都御史代之寇已去宗臯言密雲最要害宜宿重兵乞敕馬蘭太平燕河三屯歲發千人以五月赴密雲有警則總兵

官自將赴援居庸白楊地要兵弱遇警必待部  
奏不能及事請預擬借調之法令建昌三屯軍  
平時則協助密雲遇警則移駐居庸俱報可久  
之宗臯聞敵騎四十萬欲分道入奏調京營山  
東河南兵爲援已竟無實坐奪俸一年故事京  
營歲發五軍詣薊鎮防秋宗臯請罷三軍以其  
犒軍銀充本鎮募兵費又請發修邊餘銀增築  
燕河營古北口帝疑有侵冒令罷歸聽勘旣而  
事得白起故官巡撫大同與宣府巡撫李仁易  
鎮尋進兵部右侍郎總督宣大山西軍務俺答  
三萬騎犯萬全左衛總兵官陳鳳副總兵林椿  
與戰鵝兒嶺殺傷相當宗臯坐奪俸明年再犯  
大同總兵官張達及椿皆戰死宗臯與巡撫陳  
耀坐奪俸給事中唐禹追論死事狀因言前軍  
悉陷乃數十年未有之大劾帝乃逮宗臯及耀  
各杖一百耀遂死宗臯戍陝西靖虜衛隆慶改  
元從戍所起刑部右侍郎改兵部協戎政旋進  
南京右都御史就改兵部尚書參贊機務給事



中莊國禎劾宗臯衰庸宗臯亦自以年老求去  
詔許之萬歷中再存開歲給廩隸十六年宗臯  
年九十又遣行人存問是年卒贈太子太保諡

康介

嶺南番禺人  
嶺南番禺人

國朝

嶺南番禺人  
嶺南番禺人

郭瞻巖先生

傳待讀蕭惟豫德州

公諱爾鞏字巖甫瞻巖其別號也乃祖大司馬

康介公爲時名宦功業在史冊厥考起家溫縣

令治巖邑綽有廉惠聲以公繼其後固難爲後

福山縣志

卷十一

下文翰傳

六

也余曰不然道德非勲烈不光勲烈非道德不  
遠公又何必身膺圭徽績著旗常而後克紹前  
人之志事哉公秀丰骨修髯輕禔容止多風言  
語呐呐如不出口而有辨於中殆類有道而實

舍德者與當其少

小時鍵戶讀書既壯襄父大

事值嚴冬跣足扶柩渡冰上膚爲凍裂繼而居

母喪遭郡變里人皆魚鳥奔散公獨守柩不出

邑朱令撫之曰生寧不懼死乎公垂泣曰死即

母柩側耳何忍去其執友康生名鼎銜楊生名

起鳳故同補弟子員各鏃礪自好之士每相聚  
則杯酒盤殮攤書論文自幼及老臭味如一日  
焉公禮以持已和以接物復不解闖闖間機械  
以故族里臧獲率謂公不可侮而可欺逞逞以  
術毀其業攘其利公心知之終不出二語相較  
也生平除文字外無他嗜好有餉以筆墨者輒  
喜甚年八十猶手一編擇題自課靡間日時其  
家築室匠人運斤縮板剝剝登登公方據榻兀  
坐口吟手披不聞不見其專也有如此卒之日

福山縣志

卷十一 下文翰傳

七

猶出弔故人入吟古詩洒然若支離叔之觀化  
也異哉行儒者哉心赤子哉而道德乃於公乎  
是歸焉公原籍江右萬安余亦原籍秦和而秦  
和分派有余兄行支蔚與公同里居公姪諫又  
與余同學史館中故能悉公行而紀之以見繼  
祖父勲烈之後正重公之有道德至繼公道德  
之後又望子孫之勲烈也夫不厭闖闖問津

烈婦姓孫氏傳

文自德又宋王和涉邑人

烈婦姓孫氏爲李友妻俱寧海州人居古縣者

數年及無賴烈婦素以賢良著辛丑土匪牙七  
變賊徒劉五破古縣逼人入夥諸奸頑洶洶應  
命友亦謀止山烈婦力止之云爾我累世清白  
何爲從賊上汚吾先內欺吾心真生不如死也  
友云勢已大就往老巢避難者滔滔皆是往卽  
不憂飢寒矣烈婦折之云貧富屬命豈在爲賊  
與其有辱而富孰若無咎而貧且賊能以一隅  
抗天下乎殺戮將立見矣此又勢之必不可往  
者友下愚渺若過耳烈婦復泣諫云以好人兒

福山縣志

卷十一

下文翰傳

六

女而從逆何顏復喘息於世上况若爲賊我爲  
賊妻逞一時之宛頸受罵名於永世不如死將  
來被擄虧體辱親亦不如死死一也死於爲賊  
之後死有餘慚何如死於未爲賊之前不失爲  
清白鬼乎夫妻精緣兒女恩義非不苦縈我懷  
也而失節亡身萬事瓦解苦戀不得耳因執襟  
六擲友絕裾以往烈婦大哭云言已盡矣執迷  
奪權命也奈何我死而伊能悔悟改行雖死猶  
生也乃囑其女云善視汝弟吾將全清白於泉



疏

國朝

松嶺庵講經道場募緣疏 陳汝弼

蓋聞杯渡江上會開南國之宗錫飛峯頭亦啟  
東谿之寺唱宏青於臨濟天雨吹花嗣靈教於  
傳燈山泉滂鉢是以祥雲丕耀珠林之香樹常  
森寶鐸凌空法海之金城永峙聞梵音於東土  
印證直溯始乎西來建勝果於南洲賢愚盡傾  
心而北面始以維摩之辯常挫鷲子之機終同  
百丈之參遂入馬師之室黑地半規明月在我  
指頭青州一領布衫借他身子然則法幢擁處  
豈同白社風流燈派分來自在烏瞻山色但烟  
霞雖富而供養難貧空流如飴之甘泉傍水者  
僅魚龍聽法徒驚似蓋之古木近山者惟猿鶴  
蒸禪琉璃幾滅而不明鐘磬乍鳴而復斷沿門  
托鉢誰指道傍之困逢人索餐終非座上之客  
敢祈同志共破悭囊寸壤能分卽是南山之厨

福山縣志

卷十一 下文論

序

西流肯助何須東海之波庶幾飛雨彌天永明

之書不墜慧雲炳日契松之道攸傳自昔杉源  
之祖孫維一絲於九鼎嗣後竹泉之兄弟炳三  
乘於五銖露柱森森風旛寂寂漏依蓬瓣轉六  
時草色幾番秋語向栢枝參十里梅花連夜發  
隨緣不變須知不變隨緣認佛將心爭似將心  
認佛佇看去數狻座三十二相相相光明廣播  
雷音四十二章章打滅村墟簇繡成生歡喜  
之心小警浮青忽現皈依之路振祖堂之鐘鼓  
紹佛窟之燈薪寶筏金輪行照耀於三千大衆

福山縣志

卷十一 下文翰疏

主

青鞋布襪將從事於十八高賢圓音宣而龍象  
雲來法幢樹而聖凡霧擁由是客船漁火無非  
擊竹之機從此霜月鐘聲盡入拈花之案矣

募修金堆寺方丈疏

王鼎任

邑人

自漢明帝時中國崇信佛教珠宮紺殿創興之  
制遂至日盛一日夫佛心慈悲以已疲之民力  
茅茨猶不得寧居反欲使破者捐貲創爲壯麗  
之宮室而安處其中當亦佛所不忍出也卽如  
邑南之金堆寺歷年改作土木頽興幾乎煥乎

幾殫人力而僧猶以一方丈未完爲憾將欲大其規模新其丹楹必求萬全而後已因持簿揖子而言曰試爲我序子不覺撫然曰是又爲吾邑增一浩費也今者饑饉頻仍流離載道目不忍睹矣而衲子輩猶且不量輕重無端發此願予不能力阻其議復張大其說以贊成之是益于罪也夫子何能序客有進而教子者曰子勿辭也金堆係吾邑名區四方往來士大夫遊其地者衆矣入其門登其堂丹漆流輝金碧壯麗慨然有觀止之歎所微不足者方丈湫隘及今不整將至頽歛其何以供遊客之高致况金堆歷年修築費已不貲區區方丈不過十之一耳僧之所求固至廉而其爲功也旣總金堆之成亦以快遊覽而壯大觀焉子序之其勿辭也子笑而應之故不揣弁鄙而有是說

子而募修城隍廟儀門兼建戲樓疏

其賦對錄其興路成來萬全而於王國板

邑人

陰陽一理也幽明一氣也城隍之神郡有王公

州有侯縣則爲伯所司綦重卽如大僚而下一  
邑亦有長吏所司亦綦重也爲之神者作善降  
祥作不善降殃所以順天休命卽如爲民牧者  
揚善旌淑黜惡鋤強亦以承帝簡命也夫善則  
福之溥則禍之神心仁愛而神靈赫濯固宜其  
莫不尊親焉已肅廟貌以寄其尊嚴立兩司以  
昭其輔弼又設儀門以敬人之景仰而觀瞻尊  
之至矣供香花以將其誠敬製幡幢以昭其靈  
明又假優伶以和神人而格上下親之至矣此  
卽如宰斯邑者臨蒞有所承奉有役而屬在子  
民無不欲躋堂稱觥獻芹誠而伸頌禱也福邑  
顯佑伯廟建置已久規模制度頗亦徼厥壯麗  
而邇日之趨踰奔走亦極畏敬而奉承矣乃揆  
諸邑人尊親之戴仍未盡焉於是重修儀門  
創建戲樓之役蓋廟者神之靈爽所式憑而門  
者神之承宣所出入也其設於外者固宜壯闊  
以作屏藩而設於內者尤宜峻爽以端拱衛狹  
隘朽敝威重不亦褻哉至於戲樓之建或以爲



崇長淫靡之風不知元人取士之規雜劇實居  
十三科之一其忠孝節義而顯受褒榮者卽陰  
之騎箕修文而正氣不泯者也神之示勸者寄  
之矣其奸惡邪佞而明干誅殛者卽陰之犁泥  
輪迴而孽緣遞償者也神之示懲者寄之矣夫  
樸雕觚破民漓甚矣以利爲命以偷爲才視公  
直如仇讐演正未則知慕藐禮法如弁髦見邦  
老則知惕引凡庸以忠孝之良奪梟橫以殺伐  
之氣者端有賴於施墨敷粉傀儡驚愚也則梨  
園一部爲置風雨之蔽非好事也而邑人士所  
爲欲庀材鳩工經營奠定此樓也且夫人之有  
所尊者要期抒其敬之忱入之有所親者必期  
達其愛之蘊卽如一邑之長師保萬民而尊親  
之心不且倍致其嚴畏之思纏綿之懷而有如  
無已者哉故曰陰陽一理也幽明一氣也獨是  
門則舊易爲新樓則因之而創雖所費未取不  
貲之利而赤手難爲無米之炊祈我同志因心  
隨緣樂爲輸焉助以成之自茲以還天運平陂

人事聚散或興或廢劫凡幾灰其有善信亦將  
有感於斯文

福山縣志

卷十一 下 文翰

五



林泉賦 雜文

人年來若見興或廢劫凡幾灰其有善信亦將

辨

國朝

腫城辨

王積熙

邑人

漢東萊郡縣有曰腫曰牟平腫爲今之福山牟平卽今寧海州牟平至金始易今各腫建於西漢廢於東漢舊址已無可考鄭夾漈曰禹貢九州皆以山川定其經界九州有時而移山川千古不易至哉言乎考漢地理志腫註有之朶山

郊祀志漢宣帝祀之朶於腫綱目之朶在東萊

福山縣志

卷十一

下

文翰

辨

美

腫縣一統志曰卽今福山縣載籍流傳彰彰可攷續府志曰腫城在寧海州東三十里尚容叅考當始皇之遊海上也曰東過黃腫其伐匈奴也曰飛芻輓粟起於黃腫十二州志曰牟平卽古腫縣是自黃以東爲黃爲腫并無他縣秦之建置然也至漢置東萊郡縣判牟平與腫而二之牟平之西爲腫縣地腫縣之東爲牟平地不待言矣向疑福邑應有漢腫舊址以綱目一統志而言福山縣治卽是漢之腫城已無可疑府

志所云在州東三十里者應係秦齊郡之厓而非漢東萊郡之厓也不然與昔之掌故今之形勢皆相矛盾矣

福山縣志

卷十一 文翰

三



雙背卧水故宛陽縣  
其將東萊縣志謂海不與背  
志云在州東三十里皆與今  
志云在州東三十里皆與今

國朝  
海不揚波  
頌  
程儼

惟天蓋高惟地蓋厚萬厚綿亘齊魯地湊岱宗

之左滄溟之右山靜而恬水動而驟登山眺水

狀奔響吼耳驚目眩不分宵晝昔周越裳慕我

皇萬天中欲臨大壑萬派朝宗乘航則扼車亦不通

困於遼遠惟嘆途窮懸望遲久恰值暹隆夏無

霪雨冬無烈風潮汐雖至一望融融如此三年

福山縣志

卷十一

文翰

三

何幸躬逢聖人在止遂得從龍此係往事今與

之同欽惟我

皇萬幾不悞六府三事綱紀具布不令人喜不令人

怒官常不擾士習守素德人死人率遵法度東

西朔南咸歸陶鑄蕩蕩平平五服孔固山高水

濶掌指眼顧萬頃無遮嶠夷盡頭高嶼縱橫遠

近畢收鼉磯沙門聳若斥埃水中有陸成山之

圖塔旁見側出景物盈眸漁人小艇估客巨舟可

巖可渡穩如浮鷗行疾過駛耳邊颺颺此往彼

來忘卻洪流前有秦皇後有漢武車轍馬跡曾  
臨海宇茫茫無垠嘆其險阻好大喜功運已非  
古維茲 盛世成周再觀

福山縣志

卷十一 文翰類

五



古維茲 盛世成周再觀

福山縣志 卷十一 文翰類 五

歌

金

黃籙大醮藏頭折字普救歌

馬中鉅

色水流梁棟間烏月兔來共處誠守道得真懽

意常清通妙語通妙語論傳玆鍾與呂訣復授

王風仙侗得遇獲深趣觀玉姪洞中歌喜金嬰

空裏舞空裏舞年陝右居環堵來月往猿停馬

滅烟消龍纏虎然牒發到山東德人來禱內補

福山縣志

卷十一 下 文翰 歌

辛

冠重整求應驗之加持報鄉土齊魂魄出黃泉

歷雲遊歸紫府之雲鶴不我拒哉普救免輪迴

子超昇仙盡與

明 郭宗舉

金猴牒損徭額歌

全侯移自武陵武陵之民如失慈母福

山則如流痼之疾榮衛俱脫中宮方虛

虛其治而虛偏來也侯學有本源心無

雜念政主牧愛鎮定不搖撫瘡痍而招  
流亡流亡來者無虛日此豈可以聲音  
笑貌致之者哉縣之戶口嘉靖初猶一  
萬九千今不滿七千矣徭賦之額不啻  
其初以七千人而供萬九千人之征如

之何其能安其惡耶侯謂賦出於田  
不變則賦亦不變徭出於丁與戶丁  
之盈縮消長日異而月不同徭之累可  
以白而減也於是援傍邑民衆而徭輕  
者以相較牒之郡牒之藩司牒之撫按  
臺使求衷益焉傍邑之民以爲厲已也  
羣然起而訟之侯不爲阻訟愈多而訟  
愈力凡三上牒竟得損六百金於額爲  
十之二於所請浮於丁戶之數爲三之  
一蓋郡守藩司臺使皆鑿侯之苦心也  
其不得盡如吾意者撓之者衆耳然自  
今日以往通計十年止有前日八年之  
徭况牢不可破之規已賴侯而通變之  
矣繼此有請順而易矣侯之惠固未遠  
已也父老士庶相率拜侯而稱謝焉似  
巷拙叟爲之作歌以宣其情歌曰

金大夫君子儒優優古政時所迂骯髒不爲俗

福山縣志

卷十一 下文翰歌

三

吏拘但知與民同憂虞福山舊是桑麻區苛政  
驅民民爲遁閭閻爲墟田蕪蕪大夫籌之心脚  
蹶常言欲獻流民圖又言欲向延英殿前細數  
民瘼陳其愚驛書急責三年租陽城下考甘自  
誣庸調原從丁戶輸邇來不均愁左閭傍邑食  
飴我食茶我食茶獨何辜三牒爲救牧與芻重  
負以損溝瘠蘇報侯無有明月珠願侯悠悠曾  
位天之衢

國朝



贈李豹山破賊歌

蕭文蔚

野火連營黑山支壘多城少累卵時我師來如  
砍亂絲彼衆崩似振落枝龍雀橫掃來何巧破  
賊西營東自擣城上忽聞吹暮笳露布齊聲不  
用草

于七之黨伏留公南山欲攻城文登于總  
李豹山擊破之豹山各延芳

福山縣志

卷十一

下文翰歌

壹

源西營東自擣城上忽聞吹暮笳露布齊聲不  
用草  
野火連營黑山支壘多城少累卵時我師來如  
砍亂絲彼衆崩似振落枝龍雀橫掃來何巧破  
賊西營東自擣城上忽聞吹暮笳露布齊聲不  
用草  
李豹山擊破之豹山各延芳

操

金

歸山操

馬

銍真人

能無為兮無不為能無知兮無不知知此道兮  
 誰不為為此道兮誰復知風蕭蕭兮木葉飛聲  
 嗷嗷兮鴈南歸嗟人世兮日月催老欲死兮猶  
 貪癡嗟人世兮魂欲飛傷人世兮心欲催難可  
 了兮人間非指青山兮當早歸青山夜兮明月  
 飛青山曉兮明月歸饑餐霞兮渴飲溪與世隔  
 福山縣志

卷十一

下文翰

三

兮人不知無乎知兮無不為此心滅兮那復疑  
 天庭忽有雙鶴飛登三宮兮遊紫微  
 貪窺聖人世兮  
 嗟嗟兮風南飄聖人世兮日月催老欲死兮  
 猶不為為此道兮誰復知風蕭蕭兮木葉飛聲  
 嗷嗷兮鴈南歸嗟人世兮日月催老欲死兮猶  
 貪癡嗟人世兮魂欲飛傷人世兮心欲催難可  
 了兮人間非指青山兮當早歸青山夜兮明月  
 飛青山曉兮明月歸饑餐霞兮渴飲溪與世隔

歸山操

金

魁

銘

明

大成殿鼎銘

段 堅 邑令

嗚呼鬼神不馨其物惟馨其德人之事神馨其  
物在馨其心使其穢德彰聞雖沉積如山豈鬼  
神之所馨哉嗚呼焚之於鼎察之於心必如是  
其可也欽哉

福山縣志

卷十一 下 文翰 銘

五

其百也

福山縣志卷十一 下 文翰 銘

大成殿鼎銘

明

銘



處通車馬苦無言草裡眠

明主蕭蕭不關顧

磁山

禮部尚書邵寶

羣山滾滾環滄海看到磁山秀更尊跨澗有松

招客旅繞巖多竹長兄孫寒雲片片生衣袂石

磴層層入澗門卻羨僧家閒更樂笑他塵世竟

趨奔

盤盤之翠山古今名勝記馬其詔

半岩老樹挂藤蘿一徑繁紆走峻坡黃草西來

福山縣志

卷十一 下 文翰詩

五

平地小青天南平亂山多雲樓海嶠羅烟縷雪

皴灘沙濑月波千古潮來復澈去斷崖無數捲

空螺

前題 涇陽段 展 蓬萊

北望波濤浸遠天玳菟庚癸正堪憐風微日暮

帆檣集不是當年採藥船

前題

沈應奎

陽主荒祠夜不關層巖屹屹水潺潺東來欲問

驅山事海若無言草野閒

公同領孫公遇守徽州程仲精

治郡廉能漢吏同羣黎到處樂皆雍陽回寒谷

春生物清徹黃堂月在空瑞麥兩岐歌善政廿

棠千載壽仁風如今榮滿留無計擬向金門借

寇公

願右布政使孫公珪失名

累朝名宦不尋常試問家聲齒頰香黃榜弟兄

三玉筍碧幢父子兩甘棠西藩大建新功德北

極曾通舊諫章未許一方留得住終歸天上侍

福山縣志 卷十一 下 文翰詩 五

君王 祝獻 邑令

奇泉寺 祝獻 邑令

醴愛雲林景最幽臘歲攜友又來遊雪消山路

蛾眉出石橫泉分鸛尾流詩壁漫題三四句酒

杯消盡萬千愁一琴一鶴清風只此外何須更

有求

澡身亭 在郭壘園 郭天錫 邑人

城市塵囂苦絆羈園林深處結茅茨一天月土

心同潔四面風來骨亦奇敢謂孤高如處士欲

將清白達今時殷勤竟得偷閒伴綠竹黃花偏  
短籬

奇泉寺 廣衛之韻

煙雲勾引梵王家淡泊風清興轉餘寒鼎浮烟  
焚栢子空塔著屐破苔花重簾影靜閑風意洗  
鉢池深印月華最好逢僧元不錯一番清話一

甌茶

池邊歸鳥背斜陽尊酒逢君惠遠房煮茗稚僧

收落葉叅禪寶鼎篆新香一枝梅影蔭窻白數

福山縣志

卷十一 下 文翰詩

美

塵忙 點鐘聲弄月黃無底書囊談未了頓忘身世有

遊奇泉寺

下歸自靖旃芝山諸公以予歸  
又將遠行約遊奇泉東中有野

菊吐芬四句予取爲

野菊吐芬

野菊迎重九芬芳取意黃山靈應有識爲我侑

離觴

石流漱碧

亂石瞰危橋碧流見清底何日遂歸來相從滌





南畝嗟雲漢西郊雨故遲使君百里念古道九  
霄知雷注銀河澤炎舒大火司歡聲歌太守畦  
粳卧吟詩

一官穫稻並呈華大夫

稻穫秋霖霽松陰坐夕暉鷗閒人共適霞落鴈  
俱飛郭遠山田賤年豐瘠土肥老來畎畝興學  
稼不知非

碧水年年稻青林日日來荒山成澤國幽口坐

莓苔卒歲聊饘粥空囊有酒杯租完喜無事長

福山縣志

卷十一 下文翰詩

早

嘯白雲隈

大水邑尹王嵩麓禱雨雨降口占小作奉賀

遍野通宵雨和平與政同陶潛十畝稻偏頌大

夫功

送邑戈大尹還京師

一官辭海縣六月赴征途歸興流雲急浮名返

照疎西山饒洞壑白水足鷗鳧好共神仙侶重

開九老圖

青山原有約白髮喜投簪風送王喬履囊攜宓

子琴民宜循吏政吾愛古人心酌酒河梁土悠  
悠思不禁

和祝大夫奇泉寺韻

松外滄浪遶寺幽沙鷗野鶴共吾遊  
橋疑織女天河隔鶻憶蘭亭上已流  
夢枕歌臺從古笑悲絲爭席看人愁  
三山至近無靈藥漢武秦皇汗漫求

暖喜亭

九重恩澤解朝簪七十華頭倦鳥心  
饘粥舊田

福山縣志

卷十一 下文翰詩

望

分碧澗蒹茨新構擁青林

碧澗青林老鶻冠水雲魚鳥意俱寬  
逢人不說

鳴珂事夢裡猶驚行路難

瘠土耕爲澤國田清流時借賦詩泉  
老農江路

三千里雇值青蚨半萬錢

六月蓮塘花正開稻翻新雨碧雲堆  
江南有客

曾傾蓋笑問何人縮地來

年來到處人爭席老去焉知物態殊  
田暖擬邀

南畝餉拙勞應取北山愚

十張山人題石詩靈藥起百來奈何秦吳昏委  
人謂是主潘數世翁丹祖登山望東巖心怡景  
主張眉晉景自存真下清泉可濯纓如雲看  
雨受命貴聖人墨絲莫巨樂懸壺罔似張百不  
百氣靈貧世意慙山田豐燦煎不餒短楚登貧  
苦辛甜首發苦盡三岳荒於後未吹隨照樂田  
十平平勉刈願耕盆忠引動瓊桂翁骨轉轉去  
歌年如喜亭詩古

浦陸共符甄林落惠不似

灑山雜志

卷十一

文舖

三

灑山雜志田園木苑麻劍雙轉淋淋淋淋淋泉與  
耀耀燈聖翁今吹解外對

白香執兼撫應登平來轉悅日琳安平主未輝

神辨答百對常在食有執松翁大知願

平爭師壁雙雲鳳十里調景一後稱芳思艷佳

白日個百神派木焚琴即樂揚路四所道

山園百廟一亭棘亭下衛泉何野野無事青雲

觀來寧際愛周公百世瞻登山望東海

劇介榮桑日規荷西翻會不懸味辣李貴自景

心方士流安期竟不遇千載嗟空遊軒岐論壽考至今莫與儔所要在恬淡聖愚皆可由耕田苟不得吾不遠西疇

地道產萬物天心原好生養人莫如田遺安莫如耕縱不遇雨暘未必皆無成麥歉求之菽稷耗求之稅所願在一飽焉用倉箱盈

栽荷非爲實實多不代穀植柳非爲材十年詎堪屋箕踞坐陰森徒倚玩芳馥能令塵慮忘不愧隱居服五柳羨淵明獨愛思茂叔邈焉二子

福山縣志

卷十一

下文翰詩

望

賢賴此寄私淑

哈嶺寺

松顛置蘭若雲岫倚芙蓉犬吠林間客僧鳴天上鐘杖輕身矍鑠路細草蒙茸吾亦叅禪者無勞禮數恭

之翠山

同知 蔣燮明 署縣

羽葆曾經此地行求仙原不爲蒼生典墳已作咸陽燼百世翻傳石刻名

別邑中父老

霍用行 邑令

聖主非子棄鴻冥我自安材慚居下駟品願比  
琅玕孤韻同心絕清風兩袖寒臨岐無物贈折  
柳共君看

萬井笙歌夜天涯獨宦遊功名輕破甑身世等

浮漚巢許清風在龔黃駿業休烟霞原素志當

事匪吹求

公被論解官悠然自適士論高之

贈鹿冲乙先生二十韵

冲乙鹿先生有子  
六人兆圖兆明兆

言兆甲兆紳兆蟻  
時號六龍

李春萼 新泰  
令

渤海鍾霧秀崑崙毓雋英箕裘傳奕葉閭閻擅

福山縣志

卷十一 下文翰 詩

器

簪纓胸列圖書府行高月旦評磨雲裁黼黻削

玉吐瓊英筆陣原無敵詞壇獨擅名文光浮紫

氣劍影淬青萍桃李栽培久標新藻鑑精講堂

留墮鱸出谷佇遷鶯絳帳春風煖橋門碧水清

忻看珠照乘不羨玉蓮城事業推喬梓文章屬

弟兄鷄林高重望牛耳執詞盟雷電毫端合風

雲紙上生芹宮已振彩桂窟會馳聲夜雨聞鷄

唱秋風聽鹿鳴千層翻錦浪萬里奮鵬程與北

空燕駿圖南跨海鯨莫雄誇環鑿禮樂任縱橫

棠棣聯翻發芝蘭次第榮長楊行賦就獻陛爲  
君賡

國朝

遊之采四律

郭諫邑人

海

星槎欲傍斗霄遊坐暖漁簑興未休海向雲中  
推杲日天從島外接洪流閒鷗玩世頻衝鶴幻  
蜃欺人數易樓一曲柯亭山色靜此身如已到

蓬邱

福山縣志

卷十一 下文翰詩

聖

石洞

百尺懸崖海四云尋幽誤入小桃源徐衍可養  
還丹鼎竄竊應藏避世村乳滴寒香沾袖濕窸  
留淑氣着身溫臨歸細認經行路莫到重來不  
記門

龍門

龍門遠在古黃流何日浮來海浪頭屢闕仰關  
充下廡仙臺排闥起前洲夜憑雲鎖千山合曉  
趺眠開萬水投借問司閭春雨後一年幾許化

鱗遊

陽主祠

峇堯古廟翠微間典祠神功代不刪十載夢遊  
今始到兩扉煙鎖晝仍關青蘿碧樹棲雲老白  
首黃冠伴鶴閒拜罷鐘聲剛數點松風汲浪島  
西灣

已亥季春蕭不著邀遊之采未赴適惠新  
句敬次以當卧遊

沙堤春晚草芬菲路入之采海四圍遲客樓臺

福山縣志

卷十一 下文翰 詩

吳

隨蜃氣向人風浪濺珠璣榻橫巨石無關鎖門  
瞰滄溟接翠微一躍成龍雷雨奮好藏鱗甲透  
仙扉

題官中丞海市圖

刑部 尚書 王士正 新城

謝公山澤興放眼到之采城郭隣鮫室風烟結  
蜃樓一泓俯滄海九點辨齊州夙昔懷坡老真  
追玉局遊

苦雪

王 隲 邑人

古縣風凰山松先贈君所植成林辛巳  
大飢贈君採供賑粥餘聽居人伐取爲

鴻源

禿鬚二十餘年慈蒼勝倍辛丑土爨居人樵爨路梗諸弟追贈君意聽伐取又

前

禿冷庚戌冬子歸里見其亭亭青青幾復舊觀雪甚居人無賴者聞入竊割此

大

非善俗是猴潘公示禁之奈番霰踰四十日父老垂耄未經聞兒村中多凍死

林

諺曰柴荒不戒穀荒信也家季復追君意聽伐取根株盡矣禿益甚子修歲

事

君抵里竟一望濯濯也因思先贈君易實猶不忘百姓之病小惠詎云繼志哉

兼

減而賦賦世姓半野營昔思

奔奏冰曹序七遷歸家雪甚壓村煙丁丁伐去

山山色質質蒙來處處年大厦千間思肯構橫

流一筏顧誰編西軒伏枕追先德愁煞春深聽

福山縣志

卷十一 下文翰

聖

杜鞭

辛亥正六日馬止觀海莫于開恩青得

萬壑雪濤傾彝庚紫駟蹀躞踏淖行西風批耳

氣欲驕騰翻幾蹴折坂平攬轡青陽領盼多山

村古道舊經過記得每年傳坐日賓主迭爲飶

以配鳴金伐鼓爭喧喧我冠衫服屢傴僂卽不

大雅民和樂漢風唐俗未蹉跎此日猶是雲開

節河柳凝烟凍不發墟落慘澹如無人惟聞湍

斷聲嗚咽我行有感陟北原之翠在肘海電面



渤澥到眼眼不小黃海非帶江非線浮天括地  
豈徒爾霸才府之鐘萬里亘古波臣獻珍來爲  
助皇家養赤子穀不須捐金寄帑網罟療得生  
靈死閉關卻貢自何年大地茫茫空綠水飄渺  
之中有蓬萊羣仙玉女羅層臺鱗脣螭脂競劈  
脯瓊粘瓊液共傳盃意態睥睨輕凡人笑看顛  
連啞愚哉相從亦可托蚪螺視而不忍頻搔首  
迷途願謬入滋穴抱彼神瀛不億斗餓者果腹  
枯者肥注向窮簷處處有艱鮮不受陰陽賊子  
也甘心石爲友披襟望望鬱抱開待尋遺口驅  
其跡壺嶺安在馬鳴哀陵谷奈何且徘徊

福山縣志

卷十一 下文翰詩

哭

乙卯正月十六望夜同縣尉諸友登高過

福聖寺對月啜茗賦詩

已賞元宵月玩來此夜嘉寒餘孽魄煖望滿溢

輪華縱目起長堞枝燈掛遠霞誰酣耗磨飲我

憶漁陽搗光影萬千炬高明三百家谷鳴林爆

竹星燦點桐花仙尉梅爲友沙門趙有茶捧盈

隣隙過耐久戀輝餘琢句同人靜披雲金氣斜

翻思烽火地幾處怯聞笳

大山甲戌除日扶病謁鄉賢祠

八十一歲邀且錄劉論語博其開白雲

恩還舊窩出也曾寤歎歸哉亦嘯歌勞勞五省間念  
如蒼生何誰執太常旗徵功書不磨

國爾民亦爾自欺鬼責苛大都勢與利豪傑爭貪  
多我性天制之不須費琢磨故此四十年寸步  
無蹉跎人各有肺腸何可告於他忠孝兩遺言  
銘刻在風波善惡遲速報造物寧終訛力疾謁  
福山縣志

卷十一 下文翰詩

哭

鄉祠祖父列賢科子子又孫孫稽首共婆娑得  
正斯已矣就斃不求瘞哀吟忠孝兩遺言

吳興梁頂朝日哀吟忠孝兩遺言蕭文蔚

出雲纔見升紅日日麗雲溶成彩霧獻頌何須  
擘石榴任抽海外峰爲筆哀書不磨

仙峰夜月哀書不磨正書問念

壁削藤疎新挂月松陰篩滿朝真闕白雲常願  
入山來恐掩清光須暫歇賢願

補田蓬出瀑布

信作廬山誇瀑布櫻桃澗半煙含樹洞中誰讀  
法華經響亂何知山雨暮

烟臺海市

陽主祠東驚海市仙樓十二煙中紫莫從煙際  
憶君房縱有船歸人不是

長堤新柳

不讓蘇公萬柳堤金梭亂擲是黃鸝更餘林外  
春波皺一片沙明白鷺栖

古寺奇泉

福山縣志

卷十一

下文翰

詩

五

寶積林誇卓錫泉石根流出自天然凭橋午坐  
疎林裏幾度宮商到耳邊

峇嶼烟雲

列岫如屏橫抹雲山僧雲內誦經文泉奔亂澗  
遮難斷響間疎鐘隔樹聞

石門春波

水剪春紋湃碧波潮來激灩結青螺石門做對  
桃花嘶一任魚龍鼓浪過

丹陽影紀事

芝陽山有老石遠視若人形  
巾服俱具相傳爲馬丹陽仙

畧同也  
影丹陽金時人而石不知前歷幾代今  
爲採石家將沒其蹟以言紀之

雲根已結幾千齡羽客方來構草亭  
瘦爐頭騎鶴體堆成谷口跨牛形  
芒鞋如洗離三島石壁誰裁藉五  
丁怪煞無身先有影人間何事費  
丹青

事到神仙皆入幻雖成影也有時  
洞室教尸解隨山改正是灰飛待  
却燒雨暗松間看遺鳥月明嶺半  
憶吹簫雲遊倘遇驪山母應借百  
斤袖

裏瓢登文昌閣

福山縣志

卷十一 下 文翰詩

三

裏瓢登文昌閣

層臺上拂五雲飛爲拜文昌近紫  
微檻湧山尖隨蠟展階浮柳色染  
春衣平教兩目困天迴俯看羣州  
向海歸沙際有洲還有石虎頭羊  
角似星圍

望嶺秦碑

正下登嶺秦碑與夫音尋人間神事

李斯碑在之峯巔歲久石紋裂不全  
大篆行行藏鐵畫雜文曲曲長苔  
錢勛猷且願隨山刊勇畧同期易  
世傳博浪中車椎未歇泰山遇雨  
馬

還前大書益熾焚書火細錄應搜符錄篇五大  
夫松枝易朽六諸侯地壘難堅之采未上張良  
擊雲夢將遊舊壁旋刻石會稽稱後事隕星東  
郡兆明年重封六國叢秦敵並起二王讓楚先  
憶有石碑凌海土再無車馬到山邊藤盤御路  
雲陰黑蘚遍王言月照妍當日誰量碑厚薄後  
人共愛字方圓大官乞擗常逾百小戶輸錢每  
過千推入巖根隨浪剝臨來宦第覓工鐫昔居  
巖岫青天近今傍芹池紫藟纏怪道李斯嗟灑

福山縣志

卷十一 下文翰

五

鼠無能自立事皆然

有孫方伯時臨碑今卧學

蘇子與蕭不著談問之采之勝孫一致

榜眼編修

形骸寂歷感知音常有琴思待子衿萬木蒼烟

通雨氣有亭幽草識天心因憐逐客招君早爲

說名山愛夜深漂泊數年容易別莫忘樽酒坐

高林即坐重桂六園叢秦猶並賦

筆重過蕭不著養木齋因步其讀史二絕

夫公錄長以六指對墨蹟望之潘兆珪

邑令

古處如君自有情持身端欲副嘉名一編冰雪

騰來處坐着山山春草生  
會訪蕭齋挹勝情半床霜月共  
碑嶽離滂肇錫  
名偏好獨向聲華實裏行

登之學  
羅 博 邑 令

誰將巨海插芙蓉一望蒼茫水氣封  
突起巒尖  
侵曉日盤來石脚碍遊龍康公墓頂白雲古陽  
主祠前青草茸極目乾坤回首處  
沙灘幾里晚  
潮洶

眺磁山

福山縣志 卷十一 文翰 詩 望

層峰拔地翠相連勒馬龍從  
意曠然陡至瀑聲  
響雨後幽林嵐色淡風前烟波一  
灑之山秀石  
霧千秋崩壑懸眺罷歸來雲滿  
遲野博不住夕  
陽天

望之學  
博山 趙執信 官贊

屈指秦皇勒石年雄文二十字  
流傳當時總遺  
山爲禍誰向滄溟襲一拳

雪晴過海上適海市見之學下自亭午至  
哺快睹有述時十月十日

今晨雪乍晴寒日升扶桑出門邀河伯東嚮同  
耽洋昨日之翠山紫翠黝水如鴛鴦未至三三  
里見人欲飛翔坐來忽復不相識迥峯疊嶂皆  
摧藏赫然烟靄中城郭連帆櫓疑是秦樓船歸  
來閱千霜又疑瑤宮與貝闕神山倒影滄流長  
飛仙驂虎豹晃漾凌波光招招不得語日極天  
蒼黃同遊競指是海市對之使我神揚揚歲序  
閉冰雪魚龍走顛僵非時出瑰麗此遇超尋常  
當年蘇夫子確詞自炫驚海王慙予本凡材未  
敢縱筆相顛頽不請亦得睹失喜欲發狂巨川  
細流兩無拒信知大海真難量準擬還家詫鄉  
黨詎肯此地辭杯觴天窮人厄總莫問微塵大  
地俱荒唐客散境變滅半山還夕陽醉歸卻聽  
暮潮上浩浩天風吹面涼

省農登通仙宮有感

丁丑

蒲月

銀祁國祚

記冷

登臨覽勝萬山低城郭飛烟遠望迷古剎鐘聲  
驚宦夢深林鳥語和新詩農歌唱徹心頭苦雨  
汗傾餘骨內脂我獨扶筇多感慨能將何術補

層峰磬擊天邊月鶴鳴頂上松蓬壺咫尺近緩  
步樂瓏塔

高爐山寺

集賢東去盡青山古刹清幽野色斑徑僻烟寒  
人跡少老僧高枕白雲間

海市

庠生王範邑人

海色欲迷天若老暗擁鯨沙築閩島亂搥鼉鼓  
舞妖蛟舊山奚尤換新好城堞依稀碧繞虹樓  
臺隱現丹流藻映日蚌珠射彩霞鋪綉龍鱗  
福山縣志

卷十一 下文翰詩

素

素縞山氣應從水氣胎人工何如天工巧眼底  
滄桑幾變更波中色像多顛倒誰能破浪探驪  
領採得返魂不死草

海上晚眺

徐致邑人

一望迷濛水接天孤帆高掛晚風前白翻雲片  
波千頃光映夕陽月一弦山徑惟通飛鳥道烟  
深誰憶覓仙船漁樵話處噲吟遶斜倚輕舸思  
渺然



東來翠色眼中濃疑是洪濤立碧峰嶺斷開襟  
迎日月壁懸回首數蛟龍入天不及惟三尺沉  
海應深幾萬重他日擬尋秦相碣細披春艸問  
遺踪

長句題芝陽洞

洞內有石像相傳自海上潮來

鹿廷瑗 邑人

三峰從地起一洞向天開石像空中現仙人海  
上來無扉雲出入有穴日昭回疑是博基嶺千  
年永不隕

季夏遊奇泉寺

徐州秀 邑人

福山縣志

卷十一

下文翰

詩

七

人生稱快事勝地樂爲遊臨水尋深壑登山訪  
古邱况逢炎氣熾尤愛綠雲稠暫作東坡晏欣  
擎北海甌振衣思洗耳懷古欲搔頭鳥語禪林  
靜蟬聲野外幽殿門烟漸鎖天際月微鉤白雪  
長吟去開襟韻自悠

采頂朝日

謝乃實

蒼波忽湧碧芙蓉半夜鳴鷄紫霧重飛谷仙雲  
依藻景扶桑羲馭駕驪龍晴光欲遍三千界曙  
色先浮萬丈峰海納山容清旭地普天瞻就屬



溪盡綠隔條忽訝杏偏紅波光搖蕩輕鷗外樹  
影參差夕照中對對黃鸝歌不盡似將謝雪詠  
東風

石門古寺奇泉

晴花不斷招提境一水長流積翠間樹老枝踈  
白象古錫飛珠湧玉龍閒香凝衣露春方曉風  
落石泉韻不怪尋得遠公相對飲時來橋畔聽

潺湲

山峯峯嶺烟雲

福山縣志

卷十一 下文翰詩

五

山勢嶙峋列翠屏嵐光層疊倚天青烟開萬井  
晴霞落雲合千村晝雨真駿黓靈巖雷劈壁空  
濛古寺怪聽經筠床晚對清吟發欲向山庭一  
勒銘

石門春波

石門夏載未曾經鑿自禹強役巨靈雪湧連山  
朝日浴漁歌鼓柁夜龍聽蒼茫曙色函丹水縹  
繞雲紋映畫屏三月桃花開遠岸鵬搏水擊陟

萬溪

懷羅邑侯龍山

東里羅公為令時賢聲不望上官知城樓更鼓

清完堞

樓堞修整更鼓清明每天雨輒登城遇有塌壞卽刻修築督工雖迫而大省民

費真視邑事如家事也

道路新楊蔭遠陞

公令民植樹河塙山隈無不遍

及種多者賞損者罰二三十年來材木不缺皆公之賜也

士以論文方到署

民非據理不投詞當年祇是尋常事傳到於今

更可想

荒世秦山松

我聞東海有大松曾到淮南訪其踪大山小山

福山縣志

卷十一

下文翰詩

卒

都不見松樹桂樹皆成空事過千年皆虛語天

荒地老無終窮誰識秦山山欄裏摩雲有個蒼

髯翁及見祖龍來海上寥廓未受大夫封秦山

松秦山松山不秦兮路可通匠石不顧人跡少

翠濤終古激霜風

懷古

謝乃果

兩水何年闢草萊循良自古仗賢才山城業業

金湯固

朱公

巖序巍巍碧殿開

段公

光燄案頭存舊

公

青葱陌上蔭遺槐

羅公

他如去後殘碑在墮

次無人但一綠苔

遊松嶺菴

重遊此地謁金仙舊識方袍釋皎然淨土還思  
塵淨掃空門不習晝空眠間花灌溉苔塔下細  
草芟除石徑邊好是參禪真弟子清修四十有  
餘年

遊奇泉菴憶往事

昔年何事伴僧居勝地堪樓快讀書愛對空王

甘淡泊羞同儕父慣荒疎毫端影落飛林鳥夢

幅山縣志

卷十一 下文翰詩

全

裡魂醒響木魚太息於今幾大耋倚門當日望

全虛

追隨膝下早磨礪數十年前謁大雄徑已新開

多曲折僧非舊識各西東寺僧分為東西房泉流仍響

層崖碧樹影還搖晚照紅檐下壁書誰滅裂最

噴驟雨與飄風舊有先大人題筆僧云風雨剝蝕今已久矣

祈縣尊登通仙宮省農聽歌次韵

平原萬頃望中低淑氣氤氳草樹迷羽客煮泉

然石葉田家曳杖唱幽詩環峯挿漢天生骨深

擊屯雲地瀉脂仙吏登臨曾作賦 驚風雨潤

蒼黎伊昔修銀牒登瀛同儷賞金

借秋日登通仙宮用前韻 春高

奇峯一砥八紘低矗立秋原徑欲迷來証五千

函谷字翻追三百尼山詩胸收雲采忘烟火手

繞嵐光拍粉脂笑伏牛躋龍作蠶何年青紫被

蒼黎

待遠峇嶺阻雨 王鼎任

偶來尋勝地駐馬聽流鶯峭壁連天暗石門積

福山縣志 卷十一 下文翰 奎

翠榮瀟瀟銀竹瀉漠漠鐵騎驚噫氣搖山吼竇

珠鼓澗鳴千巖垂瀑布萬壑弄秋礪縱識商羊

意誰知石燕情纏廬客客住我友泛舟行試看

前村路悠悠碧浪平

春日出遊通仙宮步壁間韻 王 板

琳宮矗立小峯低斷續烟光一望迷景色紛來

都妙趣山川到處卽真詩陽春高嘯飛鸞鳳下

里狂吟着粉脂把臂登臨同刷賞金樽傾盡典

懸黎

聖駕東巡詩 恭序

王 檢

皇上

欽惟我

化軼唐虞

心傳洙泗

御極十有三年文德覃敷太和翔洽聲名黼黻之盛  
極史冊所未有尤念昌平爲

聖人之鄉車服禮器奠壙如見我

聖祖仁皇帝聖德神功先後同揆 幸魯盛典尊崇起

軼百代

皇上以聖繼

聖以心契心爰

命法駕詣

先師宅里親釋奠焉既以神德資生首惟泰嶽恭奉  
太后鑾輿展祀以答 鴻恩成乃宣省風教

清問下民以與億兆相見隆文鉅典天聰爲昭

惟思洪龐擬福中外一時冠帶之流恭承 德音近

福山縣志

卷十一 下 文翰詩

奎

光慈後而東國人士父子弟亦莫不室家相慶

擁道瞻依綺歌感哉是誠禮明樂備道一風同

之極軌也臣惟尊

師之制誼碎命主代有以想於議者或謂其儉於德

或謂其款於時至於有事岱宗率修封禪之文

無裨休助之興我

皇上以睿聖之姿纘承丕緒細旃味道漱六籍之菁

華丹辰凝神契一中之授受作君作師則天縱

日新之盛德也仲春時邁正陶唐刻玉之期二

月東巡符虞帝燔柴之候同軌同文則垂熙累

洽之昌時也奉養勤於

三朝尊親合于萬國黜附會之陋無假玉檢金泥省

供億之煩惟事陳詩納賈煌煌乎教孝之隆採

風之盛則漢唐宋以來未有之曠典也所以泰

階平八風協垂衣拱手老安而少懷藝極陳常

中和而位育譬諸天地之廣大日月之光華莫

可形容亦無能讚頌矣 臣 父子兄弟世受

國恩豈養皆廩祿之餘瞻 宸極之戴五年闕

下邳筆而荷

大猷十載田間負未以歌

帝力恭聞

御蹕莫罄瞻依仰觀

宸顏彌深惟忭謹抒葵藿之忱敬效康衢之

祝

復旦文明晝重熙化日長四時調玉燭萬彙理

珠囊風雨從箕畢勳華協廟廊知臨

天穆穆

恩渙澤洋洋禮樂中和備詩書治教彰鏡圖歸掌握

琛寶獻梯航垂拱符虞帝傳薪即

秦王觀

福山縣志

卷十一 下文翰

卷

光隆繼述道味見美培昔我

阜帝親登

夫子堂升歌陳俎豆至治薦馨香禮器備焉古蹟書

奕葉光典讓垂制作雅頌諧笙簧繩武

皇心切崇備

帝道昌後先原一理今古永相望雅念追遺鐸虛懷

企 聖鄉 德音敷遠邇瑞霽過膠庠集議詢

宗伯修文飭太常夾鐘纓應律丹杏正含芳湛

露零纖草和風解凍秧



龍旗來闕里

鳳輦出長楊璧台璇霄迴珠聯奎宿芒時逢堯令吉

月協舜辰良刻玉相輝映披圖並頡頏眷懷惟

杖履仰止在 尼防洙泗堪洄溯龜蒙詎渺茫

爐烟分 御鼎帳殿啟

天閭虔祀修芹藻精禋酌桂漿簪纓趨五氏冠劍翼

千行榮溢金絲璧慶流藻火裳淵源歸性道授

受契文章

駐蹕奎婁野

福山縣志

卷十一 下文翰

奎

迴鑿泰岱旁傳經申

巽命輯瑞總

乾綱坤厚推東嶽資生鎮魯疆欽承

長樂誥敬芥太平祥川泳涵仁澤山環晉

壽觴

三朝勤奉養

萬歲祝安康

慈孝超千古

恩膏訖八荒邳隆看已治軫念尚如傷觸賦留田舍

含哺自太倉休徵占肅又佳祉兆豐穰中澤無  
鴻雁靈臺有鳳凰村農歡欲舞父老喜相將羣  
望本宮慈澤兼奏靈籙益百揆誠來成嘉祥  
能光賁無煩供億忙涓埃真莫報慈山香玉穠賁  
高厚豈能償臣質同樗櫟

天恩被梓桑瞻雲心更切珥筆遇難忘入夢隨

仙仗臨風想珮鏘駘駘還戀臣採蘭辭風志韻  
主葵藿自傾陽擊壤同黎庶呼嵩戴空語臣無取

聖皇君師齊建極廣運娥陶唐

福山縣志

卷十一 文翰

奕

望望香禪前盡寺遇雪諸

主寒雲氣何蒼莽飛寒散渚涯從知空結習無那着

山天花清梵深林徹疲驢破帽斜灞橋風雪路振

天恩策輿猶賒臣亦更臣拜華恩臣人愛

高臣豈臣齋前韻同樂

頭臣積素盈僧寺扶筇望海涯倦遊山作主勝賞樹

粧花句琢經寒瘦途偏趁石斜歸來如意舞底

事怨年賒臣百臣風臣風臣林臣興臣澤臣為臣職臣父臣法臣喜臣游臣沐臣

合臣遊臣磁臣山臣晚臣歸臣古臣德臣又臣古臣壯臣壯臣豐臣中臣歌臣

郊原寥泬又秋風，禾黍高低野徑通。  
屐齒踏殘歸去晚，青山白髮夕陽中。

春日登磁山觀水邑人

邈迤山花境漸幽，禪關深處共淹留。  
鐘聲斷續松風轉，烟景微茫醉眼收。  
夜雨荒祠生碧草，斜陽孤嶼枕春流。  
雲峯一望蓬壺近，欲與洪厓把

袂遊

奇泉寺觀梨花

不隨豔冶鬪時光，獨謝塵縈近法王。  
優鉢名花

福山縣志

卷十一 下 文翰詩

奎

空色相清池幻影尚，芬芳枝留白雪三春雨。  
村入青田十里香，爲趁韶華新釀熟。  
且浮醪醖洗輕粧

過古牟城

無限蒼茫舊感生，高低禾黍見牟城。  
曾傳庭實

隨邾葛豈有瑤編紀世名，一代市朝荒夜雨。  
千秋陵寢佐春耕，揚塵不信麻姑語。  
又聽寒潮向

晚聲

之塚懷古

入海君房事竟休神芝遼遠隔滄洲空聞弱水  
三千丈誰見仙人十二樓潮落鐵橋還有迹露  
凝金掌舊曾收年來重過之杲路終古茫茫問  
碧流

過牟子古城

鹿壽祺 邑人

荒原一望夕陽多牟子城邊按轡過夜雨莓苔  
侵石馬秋風荆棘隱銅駝種瓜惟見邵侯地秀  
麥恍聞箕子歌興廢已懷千載恨滄溟猶是昔  
年波

福山縣志

卷十一 文翰

宋

之杲古跡

蕭 劼

汪洋海畔擁之杲北望巋然罕與儔突兀諸峰  
橫碧落嗟噫千仞俯滄洲殘碑明滅巡遊跡古  
墓荒涼風雨秋縹緲三山應不遠登臨遙接意  
悠悠

眺烟臺海市

登高臨海上一望鬱雲烟波浪兼天湧魚龍伏  
地眠蜃樓驚變幻雉堞忽連延昇境開生面奇  
觀被俗緣依稀如畫裏掩映入臺前元妙誰能

壁淨如掃天匠揮巨刃洞穴闢深窈老幹盤崖  
根龍拏白雲表傳聞寓仙靈白日昇清昊我欲  
尋遺迹樹隱風嫋嫋他年謝塵埃或可拾瑤草

以春遊奇泉寺後殿

來往文殊院祇應結淨因飛泉漱龍吻

塔前石  
龍二每

至山泉流溢  
則口中噴沫

古蔓絡松身愁寂鐘聲杳忘機鳥

下頻無人知此意彷彿記前塵

柿子赤山行卽景

十里花開綠映紅人家深住翠微中迺知顧陸

福山縣志

卷十一

下文翰

詩

丹青手不及春來造化工

遊磁山

謝光經 邑人

峻峰凌漢表樵路細追攀寺隱層巒裡鐘飄積

翠間雲烟封洞口松栢護苔斑噴薄泉千尺澄

泓水一灣飛來老閃閃到處響潺湲夜靜嵩樓

月春晴雨在山危屏懸素練芳草吐朱顏呼吸

瑤台近幽人自往還

孤峰高聳臨滄海萬疊潮聲黍谷秋玉筍當年

趁筭窮金值何處，  
巡遊風寒荒草埋殘榻。  
月冷空山照古邱，  
千載興亡成底事。  
白雲天際自悠悠。

遊通仙宮 謝景漢 邑人

悠然局脚許誰爭，  
孔李通家尚有情。  
自向關中稱汗漫，  
頓教海外現蓬瀛。  
五千寶訓傳金虎，  
十二雲樓想玉京。  
舊蹟南宮今在否，  
疎鐘猶帶步虛聲。

福山縣志

卷十一 文翰

七

海外無靈尋九州，  
海內內容我開雙眸。  
兩水鎮邊饒黑境，  
嗟哦千載稱之罘。  
罘盤折數十里，  
層巒疊嶂奇而幽。  
東國山勢若馳突，  
到此一束形

偏道插漢疑是宋，  
低處踞水真成地。  
盡頭力過鯨波，  
凭衝擊幾閱時代。  
笑蟬游其中，  
往蹟曾多

少徘徊，  
不覺爲神留憶昔。  
嘉氏振長策，  
英風豪志無與儔。  
車馳馬走咸陽道，  
但爲壓氣事東遊。  
朱旗日繞黃與腫，  
見血鞭石猶未休。  
睥睨泐泐若如六國餘，  
威直欲驅洪流物。  
石記功青雲表意

氣熊熊薄斗牛那知今但餘殘址斷碣孰教罔  
象求從來矣涼人異趣盛衰爭道不相侔如何  
康公奔竄者葬此祇占土邱祖龍之勢燦天  
日亦復磨滅同沉浮陽主祠前爲帶古空對漁  
樵發清謳嗚呼山何有風颺水何有浪悠悠  
天乎人乎總浮漚海上風雲原不死世間瑣屑  
未須謀披襟杖策遊空濶一日其樂足千秋今  
古問誰解此意惟有之翠山時自去自來之輕

鷗

福山縣志

卷十一 下 文翰詩

七

弔始皇之翠射魚

朱旗翠葆欲何之羨門安期是若師  
十丈雲城未得觀漫從海上選雄思  
海上奇峯兀而起穿雲插漢疑  
翠巖下見飛沫噴白日識是巨鱗翻  
天池東西席捲誇無敵殊方絕域奉  
槃區矧茲一物於何有暴鬣鼓浪敢  
自嬉鉦鏡震山靈動精騎四繞列熊  
羆強弩競响蒼岩裏劈破黃

雲羽箭馳卻制長鯨如白小威行水  
國倍神怡噫嘻北築長城南取越虔  
劉極矣更誰欺仙藥

自是不可致枉與一魚角雄雌  
不交觀海市用昌黎陸渾山火韻

斷我題不聞笑共言素霞綺錦翻玉燕緒邑人

夫氣闔闢蒸渾渾天東若木輪靈源噓喻禪瀛  
恣橫吞萬境蘄豈來凭軒陽冰皚皚陰火燔廣  
怪幽譎難窮原絕界奧府承輿坤架來潛壑空  
無垠金城乍立榮繚垣廣路倏披開通門晃朗  
日觀昭羲曠深林蒼鶴宜獠猿周池澆澆容蛟  
龍舞爲孤鶴翔雙鷗飛黃朱鬣騰且奔峻嶒峰

福山縣志

卷十一 下文翰詩

畫

嘔參卑尊高得臺閣平郊園千蕊萬萼吐穠繁  
懸瀑影非驚濤噴以水濟水如鳴壠惚恍豹戰  
揚華旛金鱗曜日包衣禪珠睛鮫客規黑髻蹠  
容狡疾扶丹轅巨刃摩雪裝兜韃或憑樓櫓巢  
輞轡龍綃鳳纈垂旗帟玉帛焚燎具羞膳踰濟  
錯沓前後屯方壺若竿漢若盆光華散合奉豆  
樽揖讓不聞笑共言素霞裂帛隨颺翻瓊斬上  
下文迴反元髻畫蛾流清暖碧宇浩浩排雲根  
金支髮鬢降天孫須臾忽失肘與跟乍愕乍喜



何嫌恩蕩空合漠歸厥元神區濶絕無繫援細  
尋詭特符前論掣曳餘靄浮庭闈九點浮瀟無  
烟痕思之不獲勞神魂伐蛟取蜃哀其寃奇幻  
亦屬坊所存謹饒衆目忘朝飧天吳海若疑姻  
婚魚龍曼衍皆遺昆天門蟠霓矜跳躄呵蘆萬  
族交騰鸞鳥雀一過多愁怨戟翼弗下避鯨鯢  
遠者閩風高崑崙燭龍能易朝與昏水不可濡  
夫不焚一登一涉辭鸞頰凌絕頂洞當行捫

金丈入義士碑

碑在南門外  
邑侯吳公立

蕭榕年

邑人

福山縣志

卷十一

下 文翰 詩

吉

金戈誓死覺頭輕拂拭殘碑凜若生只欲身  
存大節誰知沒後有芳名忠肝一旅君臣義  
血千年弟子情

詩見  
武備

荒島今追人五百登高常

是哭田橫息

卷一 縣志 卷一 縣志 卷一 縣志

遊奇泉寺次韻

天門 龍潭 龍潭 龍潭

瑞靄蓮宮一榻閒風輕澗底水潺湲千層錦

雲連寺四面屏開閭當山樹鎖橋頭迷野徑僧

燃石葉駐遊鐙爲憑蠟屐尋幽處賺得浮生半

日閒

遊峇嶺寺

蕭柜年 邑人

環峰藏古剎濃翠染青天曉漲山衣掛春深石  
髮連樵歸千樹雨僧躡一溪烟祇此成空澗何  
須更問禪

喜雨爲

邑侯何公

蕭柵年

畏旱方憂旱祈年早卜年雨師纔着力炎帝退  
無權未值恒賜歲忻逢小漏天青晴霑霖霖綠  
野徧潺浚禾欲盈三百耦應祝十千爲霖羞玉  
粟似液鄙珠圓會見雙岐報誰云六府愆昔曾  
伯賢黍苗頻膏處白屋起炊烟

福山縣志

卷十一 下文翰

詩

亭志喜今愛吏稱僊暇日情偏切從星意更率  
萬間開大厦九里潤晴川戶看曾孫慶人歌仰  
春日遊奇泉寺次王令翊韻  
繡林紅白鬪芳菲雙展鸞環一徑微取次行來  
春爛熳交柯穩坐喚金衣

路入招提雲氣昏鴨頭波漲繞村樊亂泉聲裡  
渾難辨梵響松溝隔寺門  
樹塢重重散錦霞心歸閒澹梵王家僧雛煮茗

能留客香滿空林天雨花

夕陽倏轉影匆匆水複山重無路通信脚歸來  
峰矗立低看紅雪亂流中

九日登通仙宮感懷次謝龍先韻

欲破浪兮駕長風丹桂不肯開蟾宮爲乘九九  
造極峰藐爾乾坤笑傲中低看綠樹凡幾叢秋  
老凝霜醉顏紅猶憶龍山興自濃更上一層盪  
雲宵仙槎未泛仙能通青牛跨去遙相逢此際  
佳境惟君同得失無憑任塞翁不聽鳴鹿夢飛

福山縣志

卷十一 下文翰

七

熊愁裡狂歌正未慵放眼字字排秋鴻舉頭落  
帽空復空懷君長嘯情何窮君屐到處俱芳踪  
昔日清發小謝公龍先落筆常如龍憶噀曲罷  
臨龍旋一聲短笛橫村童由來本色真英雄吟  
詩訪道登崆峒萊囊卻是錦囊封隨君我亦扶  
青筇相與北顧看蒼穹鵬飛萬里海天東

卷十一 下文翰

文淵閣藏書

清室藏書

詞

金

詠海詞 調憶秦娥

馬 鈺

雲煙漠紅光紫霧成樓閣成樓閣鸞飛鳳舞往  
來瓊廓 神仙隊仗迎丹藥虛無造化龍生惡  
龍生惡蓬萊三島橫鋪碧落

國朝

辛 棄 之 采 懷 古 調滿江紅

蕭 劼

孤島嶙峋相如賦曾經傳說更逼侵大海真櫺

福山縣志

卷十一 下文翰 詞

七

險絕咄咄祖龍會駐蹕縱橫古篆風吹裂憶當  
年車駕遍東南跨胡越 戊卒叫來敵國函谷

困舉盡人傑嘆河山不改幾番興滅遙望瀛壖  
嘯傲由他人失和人得且啣杯聊自醉斜陽憑

殘碣

雲 壑 寒 珠 水

積 寒 陰

金

廣

擊賦志... 國朝... 遊之采山賦... 蕭文蔚

之采石山也遠視之如浮水面近尋之乃可陸  
通烟雲霧靄壁削巒陟崑崙而雲留鳥道撫  
宛渾而風吼龍宮東望焉而地軸絕兮又何從  
北指則層波浩淼心爲之蕩漾目爲之洶澗時  
有客顧子曰山將岌岌而欲崩安能亘今古而  
龍嵒子曰山以靜爲體者也其動也蓋由爾之

福山縣志

卷十一

下 文翰

賦

七

心不觀齊康公之被遷而來乎身去社稷機藏  
翼敢野雉爲臣農婦爲妣雖無補天之才而當  
其怒也則若有觸不周之力既見此山而崎嶇  
反可平其爭變化反能廣其識嗚呼山若罔有  
所知一任其爲廬爲衣而爲食後百五十年則  
有秦始皇東巡狩而駐蹕焉輦飛六龍旗設五  
丈鞭石則青山崩射魚則紅波漲淵海可使之  
固枯而高山可使之降既下此山而草木復榮鹿  
獐無恙嗚呼山亦罔有所知一任其一世二世

以至千百世而王知天下之至強莫如秦始天  
下之至弱莫如齊康勢之炎涼易動者孰踰於  
強弱之難忘山旣睥睨而付之一瞬自能懽曉  
而永於百常言旣問客客曰山不動矣然其不  
動也亦由爾之心於是履險兮如康莊捫石兮  
如豎樓如奔駢笑韓公之投書兮何急遽而徃  
徃使米子來拜兮亦難徧乎趨踰綠江可矚而  
白岳在望兮何需一葉之爲航晴樹浴雲烟蘿  
次風兮三素與八琅萬峯兮摩蒼千頃回狂維

福山縣志

卷十一 下文翰賦

七

翰作賦何以見志兮試信宿而問明日之扶桑  
白岳春日遊磁山賦

維東牟之巨鎮實挺秀於山靈旣巖嶙而遷迤  
復嶠崒以崢嶸軼埃壙之混濁鮮顛氣之清英  
總諸山之勃窣因磁石以成各爾其霧重烟霏  
巒迴嶂複觸石雲生于霄秀矗修竹茂林層岑  
幽谷絕壁嶮巖層巘閃儵攀翠微兮迥峙層城  
是丹穴兮輝映若本霞鋪曲徑之三三天壑遙  
峰之六六時也青陽司令太皞承繼條風披拂

淑氣迴旋山川綺麗花藥清妍  
草承茵而含烟瞻嵐光之杳靄挹岫色之便娟  
環滄溟而蓬壺如接摘星斗而香案疑前於是  
暢幽情愜素賞超連岡步峻壤思散情逸氣清  
天朗循碧磴以遭迴躡危嶠而來往嶺欲俯以  
還翔獻將頽而更上虧蔽日月聳絕壑之千尋  
噴薄珠璣挂懸流之萬丈循山拾級繚以琳宮  
斜瞰窈窕遠矚溟濛寺依岬而突起樓傍溪而  
涵空既曲房之奧窈亦峻閣之穹窿紺樹鏤楹

福山縣志

卷十一 下文翰賦

全

歛艷兮玉京僊化長欄複道縹緲兮銀闕神功  
若夫滴翠玲瓏風痕霧迹九點恒青一拳彌碧  
峰高玉蘂之名洞啟金沙之闢落花流水彷彿  
桃源丹竈紫霞依稀浮石遜千五百里之廣延  
瞻三十六天於咫尺况乃春光旣饒春艷倍嬌  
春鶯細轉春絮輕飄煙景迷離於春岍清輝朗  
徹於春宵春林拂紅而欲滴春山含翠以相招  
則有客子扶筇高人戴笠陵谷相羊沆瀣呼吸  
登山而感觸無端眺遠而蒼茫交集更有葦陰

芥子等山水若浮瀉莫不心同天會境協神遊  
陟丹梯以徒倚傍崇邱而遲留已而月上東階  
景沉西巘天水空明烟蘿繚繞馳望興於危巖  
迴遐思於峭坂路曲村遙峰深谷遠踏殘蟻屐  
徧收桃李之華採入奚囊爲賦松筠之晚賦曰  
睇崇山之峩峩兮礪石崔嵬繞滄海之波光兮  
豁若天開瞻連雲之松柏兮如對徂徠撫韶光  
之駉蕩兮濟勝啣杯信茲山之可樂兮心嚮往

福山縣志

卷十一

文翰

三

以低回

稽古天開

樂崇山之

論外將

謫逐思

景沉西

物我

芥子

陟丹



在一概禁止仍仰該山住持道人及該社鄉保  
地方人等時常看守若有恃勢擧取不懼官法  
不忌衆怨者指名報縣以憑法處如隱而不舉  
一體重懲決不姑貸須至示者

康熙十二年

福山縣志

卷十一

文翰

告示

三



一體重懲決不姑貸須至示者

不思遠惡齊謀齊辭難以惡惡表峻烈而不舉

社式人等相告齊謀齊辭難以惡惡表峻烈而不舉

一併禁土得得過山計其能入或結據據

告示 西山西山 欽本邑來 文羅 博

福山縣正堂羅 爲討示嚴禁培固邑脉以奠  
靈長以安先墳事 准鄉官提督廣西學政僉事  
郭諫湖廣長沙府同知鹿兆甲等稟膳生員鹿  
兆慶郭元樞等呈稱異地爲文章之府巽峰登  
筆墨之香芝陽一山坐邑巽方實闔邑文風所  
係其附近村落如東關山後沙埠俱居其下資  
厥地脉而諫等兩家荒墳亦俱在其麓歷古以  
來未聞有取此山一石者蓋有見於闔邑利害

福山縣志

卷十一

下 文翰

告示

全

不敢剝削近被左右居民任意鑿取形體頽碎  
其頂有聖母祠因無級可登香火隨移其半坡  
有丹陽影將無形可辨勝蹟難存及今不禁日  
致損壞大干闔邑隳利而荒墳亦被其害伏乞  
嚴禁等情到縣據此查得芝陽山係本城異地  
支峰一邑秀氣所鍾遠邇久近賴此發祥不止  
有關兩姓先墳正宜培補豈可鑿損合行出示  
嚴禁以後許於無碍別山取石永不得仍前妄  
行剝削至於西山爲本邑來脉又文昌閣址所

龍山縣志卷之十二

紀事

紀事者何得所歸也得所歸奈何譬百川分流而溯其歸宿千巖競秀而覓其結聚也舊志卷分十二成數也如四時化成而此其閏也門止十一缺數也如周禮缺冬官而藉補於攷工也然則紀之奈何志所已備者止紀其綱志所未詳者并紀其目竊取紫陽之書法而編年紀月有所疑焉則闕之也闕之奈何無而創之安今

龍山縣志

卷十二

紀事

六

夏

海岱惟青州嶠夷旣略

按邑處極東瀕海○左傳管仲語楚師曰賜

我先君履東至於海○山海經云南望幼海

即少海也淮南子曰  
東方大渚曰少海 ○邑有海洋山後海口

城後海口之聚海口八角海口

商

營州

按爾雅釋地齊曰營州魯註自岱東至海此

蓋版制

周

車

按文獻通考云古青州春秋時可攷者五國

齊平莒萊。平譚又云登州牟子國也

○公穀牟人來朝註夷狄之也書萊夷作牧

自萊以東皆爲夷狄杜註云泰山牟縣泰山

去魯數十里何云夷狄牟子國斷在登州無

福山縣志

卷十二 紀事

全

疑○考登州之名始於唐武后如意元年置

登州於牟平縣神龍三年始遷治於蓬萊縣

今治西三十里有牟子城按輿圖記云春秋

時牟子所築○左傳王錫爵註牟今山東福

山縣

桓王二十三年

魯桓公十五年

牟人來朝

見春秋

惠王二十二年

魯僖公十五年

公孫茲如牟

見春秋

司馬相如賦東渚巨海南有琅邪觀乎成山射

乎之翠

見史記

齊曰營州魯註自岱東至海此

二按齊乘之梁山高九里周五十里長三十里

安王十一年齊康公十五年齊田和遷其君貨於海上

食一城見綱目

按輿圖記云康公墓在之梁山

秦之縣

齊郡

按秦分天下為三十六郡分青州為三郡齊

三郡琅邪郡遼東郡

始皇三年東遊海上祠八神五日陽主祠之采

福山縣志 卷十二 紀事 父

見史記封禪

二十八卒東遊黃腫窮成山登之采立石頌德

見始皇本紀

主父偃傳秦皇帝飛芻輓粟起於黃腫琅邪負

海之郡轉輸河北見漢書

按黃腫漢三縣名秦時已有之十二州志牟

平古腫縣也

二十九年登之采刻石見始皇本紀

三十七年丞相李斯少子胡亥從至琅邪登之

茅刻石而還

見綱目

按史記始皇出遊左丞相斯從北至琅邪方

去士徐市等入海求神藥數歲不得費多恐譏

之乃詐曰蓬萊藥可得然常為大鰲魚所苦故

不得至願請善射與俱見則以連弩射之自

是琅邪北至樂成山弗見至之罘見巨魚射殺

呂公魚子蘇林曰其一曰鰲

見漢書

漢

置腫縣

見漢書年月無考

### 福山縣志

#### 卷十二

#### 紀事

九

蜀按地理志東萊郡縣十七

腫有之罘山祠居上山聲洋

罘丹水所出丹東北入海。一統志曰卽今福山縣

呂后二年詔封列侯其一曰腫

見路史

武帝元鼎六年東巡海上行禮祠八神

見漢書郊祀志

後五年復至泰山修封東幸琅邪禮日成出登

之罘浮大海用事入神延年

見漢書魚腹苦

武帝大始三年登之罘浮大海山稱萬歲冬賜

行所過戶五千錢鰥寡孤獨帛人一匹

見漢書

宣帝改元神爵制詔太常祠之罘山於腫

見漢書

成帝卽位罷孝宣之采等祠 見後書

元帝永光五年河決館陶東北入海深廣與大

河等 見綱目

一統志云大河源發登州府棲霞縣治南東

流經福山縣界合清洋河入海○按邑北有

南大河口大河曰大姑河發源於萊陽縣一統

志所云稱誤

東漢

睡廢入黃屬東萊郡 地道記曰縣東二百三十里至海中連岑有土道秦

福山縣志 卷十二 紀事 九

始皇登北山刻二碑

晉書

黃改屬東萊國

南北朝曰大河曰大姑河發源於萊陽縣一統

元魏入牟平改屬東牟郡附人壽○封母北

按牟平二漢屬東萊晉罷後復有之采山成

山牟城東牟城劉寵墓風山

隋書東萊王牟平附葬劉東其人壽采與大

牟平改屬東萊郡

按開皇初廢長廣郡爲牟州仍以牟平爲屬  
縣大業二年州廢又改屬焉

唐

爲兩水鎮地屬登州東牟郡

宋

爲兩水鎮地屬登州

淳化四年遣陳靖等使高麗自東牟趨八角海

口見宋史

金

福山縣志

卷十二

紀事

全

阜昌中偽齊劉豫始置福山并以蓬萊黃樓霞

屬登州以招遠萊陽屬萊州以牟平文登屬寧

海州

元

至元間授孫迪忠顯校尉同知登州事

迪塗山人

延祐七年王薄禱祖謙備飭學宮

至正二年知縣王世英重修學宮

至正二十七年明大將軍徐達下益都招撫登

萊等處萬戶沈興鎮福山



明

洪武元年設登州衛備禦千戶所  
洪武九年陞登州爲府以福山與蓬萊黃樓雷  
招遠萊陽寧海文登隸焉○千戶吳貴增修城  
垣

洪武三十一年魏國公徐輝祖移孫弁鎮巡檢  
司於浮欄海口

永樂九年千戶周玘始以磚石築城

成化十年知縣郭玉鑿官渠

福山縣志

卷十二

紀事

七

弘治十四年知縣應珊疏通官渠

正德五年流賊劉六劉七等擁衆犯城教諭高

越禦卻之

嘉靖十八年裁倉大使

隆慶四年裁縣丞

萬曆六年兵憲蔡叔遠按部命知縣華岱千戶

盧汝弼加築城牆

萬曆十九年倭警知縣張所修奉檄置梁堞添

設砲臺

萬曆二十五年礦使東下鑿地採金

萬曆四十二年秋暴雨三晝夜城崩知縣傅春

聞於上發銀重修

萬曆四十四年大饑詔發帑金給郡邑以賑

萬曆四十六年副使陶朗先開遼海新道福山

西北陸路四十里八角開旗只知縣宋大奎修

縣志

天啟中邑人王道增濟餉平島鎮

按平島初設鎮運道未開道增應防撫陶朗

福山縣志

卷十二

紀事

三

先命乘巨艦盛載軍需抵其處歸圖所經島

嶼紆近獻附公以示官商遂爲登島通運之

始

崇禎中設陸左營兵將於八角灣駐防

崇禎三年裁主簿○裁訓導

崇禎五年郡城陷知縣朱國梓設法防禦繕疏

奏聞○堵塞城梁三百餘座○計擒賊王德

斬以徇

崇禎七年正月郡陷夏五月督師劉如烈遣副

將吳安邦領其部由膠東趨福山間道取登邑  
世職百戶劉師吉率鄉勇以從半夜抵登之迎  
仙橋城中出敵安邦先遁師吉力戰死之

崇禎十年知縣周翼龍奉檄建砲臺八座

崇禎十六年兵圍城知縣吳聞詩率衆固守獲

全

崇禎十七年兵臨城急世職百戶林鳳鳴拒戰

其徒朱國成率天祿蕭丕顯呂承謙于大千東

昂張福衛國珠俱血戰重傷死○廩生遲之清

福山縣志

卷十二

紀事

七

拒敵矢中額飲血搆疾死○招遠諸生楊威擒  
縛闖逆福邑僞知縣李振綱以去并殺福邑子  
民張玉山於西關據格達作亂處後伏誅

國朝

順治元年廢世襲正副千戶○裁中前所

順治十二年裁孫弁鎮巡檢

順治十八年九月土寇于七走據棲霞巨齒牙

山知縣申修率紳士料理備禦○賊黨邢小泉

等梯城上擊退○十五日夜賊伏留公南山文

營千總李延芳率兵經過遇賊殺獲多級潰去

康熙元年二月大兵攻破巨酋牙山于七遁走

亂平

康熙二年裁教諭復訓導

康熙十二年知縣羅博修縣志

以上見府志舊志

康熙十九年設寧福營汛防把總

康熙四十三年大饑

欽差滿大人常

雅薩

來福以漕糧賑

康熙四十四年寧海兵譁邑戒嚴

雍正四年丁銀入地畝

福山縣志

卷十二

紀事

七

雍正七年復教諭○八角海口建砲臺設千總

一員之罕海口建砲臺設外委把總一員

雍正十二年知縣程大模疏濬流子河○修築

南堤

雍正十三年知縣程大模督築城垣樓門四月

告成

乾隆元年知縣程大模倡築清洋河東岸石堤

乾隆十一年知縣李經邦建寶陽書院


乾隆十三年免田賦救天下是等至山東

乾隆二十五年知縣何樂善修築南石堤  
乾隆二十七年知縣何樂善修縣志

山縣志

卷十一 禮事

一



乾隆二十五年知縣何樂善修縣志  
乾隆二十七年知縣何樂善修縣志

